

EH Bildu talde politikoa
Grupo político EH Bildu

Ijentea, 1 - Tel. 943481027 - www.donostia.ehbildu.eus -
20003 Donostia

HIRIAN 2022-2023RAKO AURREIKUSITAKO GUNE ESTALIEI **BURUZKO KONTROL MOZIOA**

Olaia Duarte Lopezek, EH BILDU udal taldeko zinegotziak, Udalbatzaren Organo Araudiaren 98. artikulua oinarri, mozio hau aurkezten du Udalbatzan azter dadin. Mozioa 2023ko urtarrilaren 16an Gune Publikoen Batzordean aztertutako interpelazioaren ondorioa da.

JUSTIFIKAZIOA

Azken urteetan ugaritu egin dira gune estaliak auzoetan jartzeko herritarren eskaerak. Osasun pandemiak ere espazio publiko irekien eta horrelako guneak auzo guztietan izatearen beharra areagotu du.

Eskaera horiei erantzuten ahalegintzeko, hainbat udal ekimen proposatu ditugu, hiri osorako berariazko plan bat egiteko beharrari aurre egiteko: hiri osoko gune estalien beharrei erantzuteko proposamenak aztertu eta gauzatzeko lan talde baten sorrera, Gune Estaliak Aztertzeko eta Proposatzeke Batzorde Ez-iraunkorra sortzeko proposamena, Udal Gobernuak hirian egin nahi dituen gune-estalien inguruko erabakiak auzo elkarrekin eztabaidatu eta partekatzeko guneen sorrera, hiriko gune estalien beharrak aztertzeko diagnostiko bat eta lehentasun zerrenda bat egiteko proposamena, aurreko agintalditik gune estaliak iragarrita zeuden auzoetarako (Gros¹ eta Egia) irtenbideak bilatzeko proposamenak...

Udal Gobernuak osatzen duten taldeek, ordea, proposamen horiek guztiak baztertu dituzte etengabe. Gainera, 2015etik aurrera Donostian estaltzea aurreikusten ziren hiru plazetatik² bat bakarrik dago estalita, Altzako Harria parkea, eta, kasu horretan estalia ez da behar bezala gelditu.

1 <https://www.diariovasco.com/san-sebastian/201705/23/plaza-zuberoa-escalones-rodeara-20170523001013-v.html>

2 <https://www.noticiasdegipuzkoa.eus/gipuzkoa/2017/06/06/plazas-disfrutar-cuatro-estaciones-3998588.html>

EH Bildu talde politikoa

Grupo político EH Bildu

Ijentea, 1 - Tel. 943481027 - www.donostia.ehbildu.eus -
20003 Donostia

2022ko maiatzean, prentsaren bidez jakin genuen Udal Gobernuak hiru parke estaliko omen zituela 2022-2023an. Hiri-proiektuen delegatuak adierazi zuenez, *“Udalak hiru proiektu ditu mahai gainean, legegintzaldi honetan hiru jolasgune estaltzeko, gurasoek haurrak parkera eraman ahal izan ditzaten, baita euria egiten duen egunetan ere³ (...) Horietako bat Harria parkea izango da. Egun grisetarako beste babes bat Larratxokoa izanen da. Obrak barrutiko diruarekin finantzatuko dira. Hirugarrena oraindik definitzeko dago, mahai gainean hainbat aukera baitaude”*.

Maiatzeko batzordeetan delegatuak berak esandakoaren arabera, hiru proiektuak idazten ari ziren irizpide aldaketa batekin: hain zuzen ere, gune estalien formari zegokionez, estalki sinple, merkeago eta ariganoak jartzeko aginduarekin.

Zazpi hilabeteren ondoren, proiektuen berririk izan ez dugunez, urtarrilean Gune Publikoen Batzordean delegatua interpelatu dugu. Haren erantzuna izan da proiektuak oraindik idazteko fasean daudela, inolako xehetasunik eman gabe. Agintaldia bukatu baino lehen hiru plaza horiek estalita egongo ote diren galdetuta, delegatuak zalantzak adierazi ditu. Udal Gobernuak berriki aurkeztutako 2023rako aurrekontu proposamenean, ordea, gune estali bakarra jartzeko 300.000 euroko diru-partida dago Proiektu eta Obren atalean.

Badirudi, hortaz, 2019-2023 agintaldia hasi ginen bezala bukatuko dugula alor honetan, berriro ere, Udal Gobernuak ez duela emandako hitza beteko.

Beraz, azaldutako egoera kontuan hartuta, behean sinatzen duen zinegotziak honako MOZIO hau aurkezten du:

KONTROL MOZIOA

1.- Udalbatzak hertsatuki eskatzen dio Udal Gobernuari agintaldia bukatu baino lehen estali nahi dituen guneen inguruko bilera antolatu dezala Udalbatza osatzen dugun talde politikoekin, proiektuen inguruko xehetasunak emateko.

EH Bildu talde politikoa
Grupo político EH Bildu

Ijentea, 1 - Tel. 943481027 - www.donostia.ehbildu.eus -
20003 Donostia

2.- Udalbatzak hertsatuki eskatzen dio Udal Gobernuari agintaldia bukatu baino lehen txosten bat idaztea, "Lurralde Batzordeak" lau urte hauetan gune estalien inguruan egindako lanaren berri emateko Udalbatza osatzen dugun talde politikoei.

Donostian, 2023ko urtarrilaren 19an

Olaia Duarte López
EH Bildu udal taldeko zinegotzia